


十





吹玉笛響松關角鷄報曉東方曙晚鶴歸
來月半灣谷口僊禽常喚語山巔神獸任
躋攀箇中自是乾坤別就裏原來日月閑
此是高真成道處故留踪跡在人間古今
多少神仙侶爲愛名山去復還

元

虞集

雪樹生香滿佩巾紫霄最上集仙真苔荒
鶴跡渾無路花暗笙聲不見人瑤圃月寒
通白曉丹臺雲暖駐長春莫教流水山前
去恐似桃源客問津

揭傒斯 學士

太子巖吞獅子峯洞深雷響半虛空黑龍
去作人間雨白鶴來棲澗上松日吐金芒
朝五老煙橫玉帶遶三公七星旗展飈輪
降時有天香下九重

國朝

太和山八景

沐昕 駙馬都尉

天柱凌雲

黛色參天玉削成，斷鳌誰識太初形。
慶雲繚繞玄都近，石磴參差黃道平。
夜半風雷山下起，秋清星斗樹梢橫。
祇今

聖代超前代，徽號穹碑萬古榮。

玉虛環翠

琳宮環拱萬山齊，翠滴晴嵐映碧溪。
玄鶴遠歸香霧合，青鸞高舞瑞雲低。
尋真羽袂迎風濕，種玉仙畦去路迷。
多少道傍名利

客誰能林下問刀圭

五龍披霧

王立峻嶒翠欲流，五龍潛處景偏幽。
煙消遠嶠猿聲斷，日射靈湫蜃氣收。
捧

聖神回山寂寂，插梅人去水悠悠。
應期莫負生民望，四海長令歲有秋。

九渡鳴泉

越壑穿巖勢轉分，長年流碧淨沄沄。
三千環珮聯翩下，一派簫韶遠近聞。
鷗鷺浴時

飛急雪蛇龍蟠處激寒雲好教直上青冥
去徧作甘霖翊

聖君

南巖削壁

秀拔中天載巨鼇瀑聲直下鬼神號氣吞
泰華銀河近勢壓岷峨玉壘高日上群峯
明瑣闥風回萬壑湧秋濤紅塵一點飛難
到跨鶴人來醉碧桃

紫霄層巒

紫蓋重重列上台根盤百里勢繁迴丹崖
翠壑參差見琳館珠宮次第開燦燦祥光
環太乙飄飄仙佩下遼萊客來莫問當年
事且倚雕欄看柳梅

雷洞發春

巖扃寂寂草芊芊誰識中藏造化權百里
震聲初出地三陽氣象已無邊芝生石室
連雲秀柳發瓊林帶雨鮮海內生民霑德
澤欣然鼓舞頌堯年

瓊臺霽曉

玉作層臺氣象巍
宛然圖畫映朝暉
扶桑弄影雲將斂
瑤草呈香露未晞
虛室光浮青鳥去
洞簫聲徹彩鸞飛
登臨絕頂微風起
吹得天花點客衣

李東陽 大學士

神仙官府事何如
親見分符止紫虛
山擁帝宮三十六
地屯兵衛五千餘
人言才大難爲用
我愛官閑好讀書
臨別與君堪一

博肯將青紱換緋魚

瞿度

紫霄峯下好閑雲
滿谷雨散猶氤氳
每藏丹室龍虎氣
或接青冥鸞鵠群
往來自信分三素
舒卷忽看生五文
飛入蓬萊宮闕裏
朝朝春彩擁

明君

戴義 太監

功成行滿幾千秋
早向乾坤物外遊
魂杳

不知何處去教人空倚夕陽樓

沈鍾 副使

千峯並讓一峯尊鳥道垂蘿手費捫壁立
半空鶴縹緲根盤萬里自崑崙上真臺殿
金銀結下界烟霞紫翠屯宇宙大觀奇恠
甚不知五岳可同倫

沈暉 都御史

縹緲珠宮映翠微靈風長日滿龍旂函關
伊昔青牛去華表何年白鶴歸花落石壇
春不掃露零仙掌曉還晞樓船海外無消
息山上間雲萬古飛

洪鍾 都御史

南巖宮殿枕山頭平冠歸來此一遊閣頂
雲從崑上渡石根泉向竹邊流岡嵐疊疊
群峯小紫翠重重萬木稠獨倚欄干時遠
望無邊光景入吟眸

韓文 參議

金殿朝回到玉虛箇中仙境自然殊烟霞

氣爽精神健滄海塵生夢寐蘇琳館倚雲
飛盡棟碧桃和露滿玄都

聖朝祀典名山重嵩岳還期萬歲呼

潘旦都御史

入遇真來境便幽僊關此日不虛遊晴峯
過雨雲猶濕石鼎無香烟自浮絕嶠旌旗
搖樹色紫霄泉溜滴龍湫清風兩袖升天
柱却恠新涼近暮秋

劉丙都御史

翠倚晴空石磴斜一層高更一層加山從
雲上應生路人向天頭却作家徑滑濃飄
千種葉崖香常帶四時花禮餘玉帛經行
處在在仙宮護彩霞

余祐布政

規畫恢宏羨玉虛琳宮無數總難如惟憑
帝力纔堪創只恐仙靈未肯居大道當時
人服食淳風今日孰吹噓我來瞻眺應多
感追憶羲農始結廬

賈詠 大學士

淨樂宮幽遠市朝誕真福地
紫雲饒南瞻大岳凌霄漢
北望神州近斗杓物外乾坤
容我到壇前風雲自天翻
果然乞得長生嗣為禮仙官
不憚遙

鄒守益 主事

太和雖云高有足背可涉
所患畏嶢崖出門若不力
區區寵辱間不異冷與熱
熱冷各有時怨尤祇自感
閉戶為頽閔纓冠則

禹稷此道本平平奇功在不息

白悅 尚賢寺丞

秦關初轉漢江東薦藻靈巖問楚風
蜿蜒玉梯躋上界蹇蹇金闕列遙空
重林蔽壑深藏豹峻嶺千雲半落鴻
西掖華嵩遲遠照南襟巴隴伏長虹
瓊簷入夜星辰燦貝樹含春歲序同
香拂彩霞龍女度旗翻赤電鬼神通
岡巒交秘乾坤秀昂竈常烹日
月紅定有天仙留逸駕欲辭塵鞅入玄宮

飛鳧歷覽萬山小盤礴今看此地雄

又

積霧經旬喜乍晴珠宮貝閣四山明巖前
日動金幢影雲霧時聞玉磬聲古洞陰霾
玄虎伏長橋流水素霓橫危欄靜倚幽懷
爽萬木瀟瀟下廣庭

丁致祥 參政

迴龍觀前兩脚收松風瑟瑟鬢蕭颯遙望
天門渺何許碧峯入指出雲頭

杜海亨

重疊山頭一覽空人間天上許誰同碧桃
楊柳朝含雨翠竹蒼松夜吼風鍾磬音隨
香篆香修真人與道心通紅蓮碧藕天遺
種玄妙原非斧鑿工

登太和山次韻 李宗木 舉人

七十二峯宿雨晴諸宮羅列藥珠明乾坤
新幻蓬壺影霄漢時傳鍾鼓聲漱石泉從
雲裏聽振衣身在斗邊行竒遊到此翻成

魏坎壘浮名絆此生

飛昇臺

方豪僉事

飛昇臺下紫雲流天一池邊杉檜秋大頂
歸來神已倦不禁高興倚危樓

仙侶巖

仙侶巖前訪列仙仙人不見見流泉
或有胡麻屑分付先驅少佇延

滴水巖

北天門下松徑幽巖頭滴水響琳瑯
因懷

石澗閒行地睡到斜陽不肯休

五龍宮

風雨連朝日出初鑽天嶺上壯懷舒五龍
莫漫興雲霧不獨遊人厭濕如

玉像殿

金身玉像寶珠宮二代君王敬奉同猶勝
西方迎佛子袖艦相接漢江中

青羊澗

青羊一去杳無蹤亂石如羊飲碧淙
大上

若還香下世即投簪綬以相從

隱仙巖

仙人隱此是何年石澗猶開水洞天野客
停車試相問斷雲落木自蕭然

老姥祠

老姥祠前澗水喧傳聞磨杵石猶存分明
贊就飛昇業不說淮陰漂母恩

元和觀

纔入僊關便不同元和校府茂林中此山

滋味甘如蔗盡笑饒人口易充

迴龍觀

山勢如龍口吐瀧玄天上帝手中降道人
已自誇竒絕便欲題詩向碧窓

關王廟

獨跨青驪度遠岡還從古廟謁關王平生
不盡英雄氣猶爲遊人遁虎狼

老君殿

巖下長松高拂雲品端天語若堪聞群峯

迴抱黃金闕此地真宜奉老君

復真觀

高木清泉太子坡當年習道被松蘿至今
淚滴池中水左脇深恩柰爾何

龍泉觀

九渡澗中龍噴泉瓊宮青倚石橋邊玉闌
金水神工巧恍訝朝回尺五天

黑虎廟

猛志探玄虎不驚山巡谷守更多情春來

見說縱橫甚皂纛何緣一掃清

威烈觀

聞道均陽威烈王血誠祈雨五龍將名山
古廟從民願猶勝金宮事緲茫

紫霄宮

禹跡橋邊步漸危後旗前竈兩峯宜忽聞
仙樂雲中起人在紫霄渾未知

五老峯

曾拜廬山五白頭紫霄復見爾來游何時

日出收烟霧短杖方巾一覽周

龍頭杖

竹根盤屈似龍頭入手風雷逐我遊莫向
葛陂輕解放年來雄物正相求

松蘿衣

聞爾無根生霧雲曾爲野服被真君誓將
換我銀魚佩歸伴山中麋鹿群

戴珊都御史

雨霽遠登高乘閒不見勞陰涼分路柳濕

翠引田毛獨立雄天柱群仙散海濤廟堂
窮北望雲氣拂霜鬣

又

多年知仰止此日慰躋攀秀異鍾千態神
靈妙兩間仙凡心了了花樹兩班班祠祀
隆褒典

文皇豈浪頌

鄧庠尚書

崔嵬石磴高心賞豈知勞瑞鶴巢巖頂幽

蘭繞澗毛雲中聞玉磬天外度松濤千古
真仙境題詩愧俊髦

又

武當懷寶地公暇試追攀天柱青雲上瓊
臺翠壁間柳梅花樹古針石蘚苔班歷代
多崇祀重承紫詔頒

高潺亭

女夷駐芳景條風振前楹四垂穆以愉黃
鳥鳴嚶嚶我行界山道躊躇念浮生昨日

枯楊枝今日青已盈云胡鏡中面老去不
復頰所以陶阮流微辭寓深情感悟增歎
息勉旃懷素貞

又

貞素守丘壑孰與天爲徒青郊促羽節遂
巡悲故吾豈不愛光景所志萬里途雲龍
杳難合山川鬱以紆遠懷鹿門子千載稱
達夫願言培松苓終當還舊都

又

舊都魚鳧墟乃在天一涯吾家青城下松
桂翳茅茨朝看鹿豕群暮見烟靄竒門無
九州轍馬知路多岐竭去人寰遊寤寐多
所思軒轅故留躅予將赴心期

又

心期在玄古頓轡無何鄉嗒然見純白焉
識青與黃云胡大樸散莽昧俱亡羊至訓
逾萬言翻以蔽天光感慨發情素默默嗤
予狂

又

聞道神山三楚尊乘春吾欲上天門却看
翠壁收殘霧漫折瑤枝度遠村隱隱仙源
俱殿閣蕭蕭民屋自鷄豚攀蘿明日岸頭
路莫遣浮雲白晝昏

又

靈境絕塵今始到翛然雙屐歷莓苔沿崖
門殿春烟合繞逕松杉野鶴哀白犬自玄
真自得青牛相遇莫相猜樓霞有約須捐

珮石洞離門恣往來

又

春橋行遇送寒梅斜日東風忽遞催訪勝
予沿青嶂入乞靈人佩紫壇來翩翩鶴氅
逢仙侶宛宛樵歌動野懷歷遍靈巖三十
六不知何處是丹臺

龔輦 太監

無鎖僊關晝夜開入關疑我在蓬萊白雲
走上青山去綠水流將黃葉來未得醉時
心已樂欲求玄處道難猜老松影瘦靈堪
服不用賚糧坐石苔

呂憲 太監

乘風初上望仙臺四面奇峯亂戟排白虎
嶺頭香霧散青龍山外紫雲開琳宮桂放
三秋影浴室池無半點埃試看鳳凰生鸞
鷲祥光飛下九天來

林豫 僉事

萬峯俯仰祖孫如到此名山信不虛殿宇

廓清氛沴遠英靈昭假辦香餘欲從仙子
開丹鼎尚爾微官縛簿書石刻摩挲太宰
筆篆文芸蝕魯滄魚

黃仲芳

三十六巖何勢雄南巖高出摩蒼穹天低
蓬島星辰近水接仙源道路通瓊館雲深
鴻寶祕藥爐丹服碧壇空登臨總喜瀛洲
客謾詠新詩興不窮

楊言知州

毅陟瞻仙帝清高坐紫霄天晴金殿閃徑
旻玉臺遙石洞生瑤草松蘿起鳳簫柳梅
花正發白鶴遠相招

楊琇知州

入山心自遠眺閣眼偏寬臺逕雲蒙險松
杉雨濕寒故人憐未見諫議宰相板去住
隨春意悠悠坐水潺

何遷少卿

帝子九龍遊海上太和千古亦蓬壺遙憐

劍閣有巫峽那復祝融雄楚都雪發松杉
雙屐近風連河漢一筇孤好尋大藥清虛
表三十六巖今有無

又

太和佳氣來天地我向寒峯卧碧霞樹裏
波濤開七澤雲中樓閣帶三巴蒼崖古字
留函谷石洞香床隔太華悵望彩鸞何處
所人間聞亦有丹砂

楊守禮副使

白鶴迎人下紫霄乘風仙子任飄飄山頭
雨洗黃金殿檻外蓮圍白玉橋虎伏靈龕
迷澗水鸞鳥隨明月下笙簫紅塵不到仙家
處回首繁華一夢消

又

未入真仙境先登太子坡白雲籠殿宇清
磬出烟蘿澗遠萬松響山空一鳥過悠然
清興極擊節坐蘿莎

王棟叅議

天柱峯頭霧靄收
天風吹鬢寒
颼颼憑西極
目三巴外渺渺孤雲天際頭

崔桐叅議

壑敞松如鍊
山竒巖欲頽
練雲欄下起錦障
澗南開燭影搖雙玉
爐烟散滿臺景物
看不盡約侶擬重來

又

古木懸孤嶂
虛崖綴百靈
亭陰侵座爽
林影上衣青
地寂年爲日
雲屯晝欲暝
何方

迴白首于此問參苓

又

傳聞天柱下
幽勝更清微
峯合天長隔
谿寒雲不飛
花崖懸乳石
竹塢對瓊扉
未有凌雲翼
空成悵望歸

又

宮殿藏巖裏
陰陰千尺深
祇容雲霧入
不受雨暘侵
樹影搖金鎖
鍾聲帶碧潯
慚非謝公興
雙屐倦登臨

許宗魯副使

空山秋夜月華明
獨上瑤臺望玉京
三十六宮河漢杪
雲璈仙磬步虛聲

又

獵獵玄風吹羽衣
紫壇瑤草露華肥
道人無限清虛樂
高唱雲謠入翠微

又

靈境負夙約
真宮欣始游
虛無上烟霄
杳藹親霞樓
赫赫珠殿午
蕭蕭琪樹秋
雲駉

嶺表度仙樂
空中流入門
覽衆妙
啜水離群憂
仙人倘可遇
携手凌崑丘

又

南望僊關烟霧深
玉霄宮闕擁虛岑
靈宗似有青羊渡
物色時看紫氣臨
夾路雲松寒翡翠
懸厓風篠振球琳
相逢尹喜無多說
柱史遺文好共尋

又

太子何年去
名坡萬古傳
羊腸雲外險
蜃

市海中鮮委巷通群帝飛巖接九天羽人
栖碧落清磬下冷然

又

夜榻栖玄境秋空近紫霄空虛雲氣濕天
靜斗星搖逸相懷鸞鶴浮生等韭蕉前山
王子晉清唱坐相邀

倪組御史

白虎踞欲吼赤軀招不來靜定涵元氣
皜潔出塵埃萬里明威練孤高列上台廟節

如鎮重國勢仗崔嵬

范應祥州判

壑雨初收天氣晴南巖諸境極分明人間
果有蓬萊島疆界絕無鷄犬聲遠近奇峯
濃且淡高低老榦直還橫數椽處處王維
筆誰說諸山不到庭

朱隆禧給事中

紫翠光華楊柳天東風扶上太和巔吟猿
曉掛仙人掌瀑布春回玉女泉佇聽松聲

諧雅韻乍看晴壑起蒼烟追游况得攜摩
詰刻石相將記歲年

張臬郎中

九日高登大岳巔直從玄帝探真源褰衣
飛步三天外吹帽驚捫北斗懸混關陰陽
奔日月蒼茫塵土隔風烟神功綿邈歸

明祚長似

文皇初造年

吳允祿參政

天際群峯果絕竒丹青那復羨王維參差
玉笋高還下錯落晴雲亂不歆西望豈徒
三楚勝北來真慰十年思應憐疋馬衝寒
久願借春陽幾日暉

又

一到天門景絕佳名山此外更無加千尋
鳥道懸丹壑百尺龍宮枕紫霞羽客乍鳴
金殿樂仙童時獻玉巖花由來真境非人
世無恠希夷薄宋麻

王鎔 副使

太乙滴元氣中原獨此山神功移閭苑帝
力壯仙寰嶂合茅堂杏林迴野色閒煙霞
酬夙志解組扣松關

又

福地臨仙館旗峯列蓋宮劍高雙樹直丹
井百泉通雲卧宵衣薄天青斗柄橫坐觀
時復暇疏奏理絲桐

又

峻極封山岳凌空嚮珮珎雲開金闕迥磴
轉玉臺遙紫翠群峯抱香燈萬國朝星辰
疑可摘羽翬上烟霄

又

採芝凌絕巘對奕坐虛亭洞古雷神秘潭
沉龍氣腥紫霄仍下界青鳥自東溟已覺
非人世應無俗慮嬰

又

削壁塵區隔叢林過客迷泉池分日月臺

謝引虹霓候駕青羊出當關黑虎啼折梅
曾寄柳於此問希夷

又

隱隱仙巖度冥冥霧靄收雲汀朱鴈落春
草赤麟遊貝闕諸宮亞真源九曲流羽人
衣鳥在天樂下西樓

劉勳 叅政

僊關今日慰瞻馳太子坡頭路轉危萬里
拜呼環老幼百年禮祀遠崇卑名山豈是
神靈異真境將非木石竒獨上太和峯頂
立徘徊金殿有餘思

廖道南 學士

大岳盤千嶂僊關隔五雲虹橋通澗遠石
徑入林分飛閣懸丹極虛堂尋紫氛翛然
起遐想天樂坐中間

又

天柱丹梯上皇崖紫氣深銀河浮碧落玉
宇隔瑶林露濕仙人掌雲分帝子岑詞臣

多逸興春賦有餘音

陸銓 參政

天工人巧萬山奇
簫管仙童到處隨
月字金門凌壑迥
星橋鐵鎖傍雲垂
滿山瑞靄爐烟合
逸殿晴幡樹影移
兩度來遊遊不盡
肩輿臨發又遲遲

李汝楫 推官

烟霞燦燦草萋萋
此地何由得問津
猿鶴時聞巖下月
笙簫忽奏洞中春
眼前情景

渾詩賦筆底風雲有鬼神
禹跡橋邊閑眺處
恍然身世若逢真

沈應龍 侍郎

信步南巖下
脩脩物外情
瑤壇青鳥落
玉洞紫芝明
龍去虛丹井
僊歸有石枰
何當謝塵鞅
于此學長生

又

峻陟鑽天嶺
幽尋伏地菁
青山空麋鹿
擾亂靜斗星
明榻愛烟霞
窟清酣道侶
情五更

談睡法好似五龍精

蕭一中參政

緝髮凌霄迥輝光望日妍山虛自千古香
火已多年縱眺窮三楚開襟望九天忽看
絳節下飄緲望群仙

又

雲漢雙無迥乾坤一望中鈞天聞絕響
太乙自生風海色搖空碧蓬萊映日紅桃源
知不遠無地覓仙蹤

方升參議

平橋通九渡僊蹟想群賢旆動雲烟外
兵連草水間寧辭將命辱共得入仙便
因憶田橫客空思向海邊

又

萬劫紫霄古諸龕翠栢扶殘山分斷石流
水落高梧五老行相引三公勢可呼橋邊
還倚杖獨立弄雙珠

又

盡日經神院南巖坐客亭井園甘露碧峰
出小蓮青殿勢參差起鍾聲曉夜停試心
臺下石無語合惺惺

又

漸向天門去艱虞生百憂側身猿鳥道破
膽虎狼秋落日猶三舍他山更一樓焉能
添羽翰遍作九天遊

朱箎 御史

一岳撐空碧凭闌俯岫雲堯天孤立柱楚

甸一江分遠壑生靈賴香烟吐瑞氛黃冠
來問訣愧我尚無聞

又

石磴依山轉肩輿日漸深梅臺憑絕磴烟
霧暗前林仙子終丹壑孤懷亦翠岑玄天
千仞上還去訪知音

顏璘 尚書

天柱峯高白日晴華嵩相對最分明扶桑
倒射東溟影銀漢平留上界聲空裏金宮

陳帝座雲邊鐵鎖度人行不緣旌節巡方
岳孤負塵埃過此生

章拯都御史

展旗元向半空紫賜劍虛傳萬古玄自是
龜蛇藏妙用准從龍虎得真銓人間福地
信有此海上仙山恐未然天柱歸來三嘆
息丹墀重酌一泓泉

曹大顯僉事

真仙煉養借斯巖巖穴孤高托此山觀面

峯巒千壘翠掛瓢谿壑幾迴灣懸空石磴
滴清響繞樹煙藤結黛髮泉湧三支源一
派澗分九渡遠相還垂手尋常探月窟洗
心兀自透玄關巽風起處陽來復地脉朝
時路轉彎五百靈官高壁立一條龍首易
緣攀紅塵地遠非難到丹竈春深許自閑
塵世多疑仙術幻蓬萊誰信箇中間我來
不作而遊戲也欲依巖煉九還

毛伯温御史

武當天下奇夢想亦多時高聳雲依半清
虛僊所嬉峯巒迷眼望烟雨負佳期早發
龍山迥孤城鼓角悲

郭希顏 編修

淨樂王孫駕白虹修真早歲却飛空五雲
絕頂黃金殿萬古乾坤拜舞同

又

蠟燭山高照日明太和曉闢五龍迎猿
石逕行疑斷旗劍峯巒削不成

高遷 同知

仙宮遙在紫雲邊仙藥曾聞白雪篇莫恠
武陵迷去路可能天上住千年

李學 太監

傍巖矮屋两三家斫竹編籬便種花斷隴
平堤迷雨脚層崖疊巘露雲牙星辰手摘
扶霄漢牛女機聲織練紗吾本遠來天上
使宦遊元不是栖霞

路迎 都御史

奇遊恰得片時晴萬壑千巖眼界明天上
神仙合有宅雲中鷄犬故無聲虛疑天近
捫星過實恐崖高碍日行堪嘆世人空碌
碌誰知此地可長生

任維賢都御史

聞道南巖景絕奇我來正值暮春時畫圖
原自天分設詩料何須客構思風雨龍吟
千丈壑烟霞鶴寄萬年枝青香漫引山林
興欲報

君恩未有涯

曹亨副使

陰雲忽上列山濕磴道斜列一線明可是
有緣清福地五龍拖雨伴朝行

又

萬壑懸崖一小亭坐來風雨變陰晴遲回
不見神仙侶白髮連愁日夜生

喻茂堅都御史

幾年夢寐太和山此日瞻依上帝顏翠積

青霄擎碧柱芒生金劍鎮瑤寰玄機訣化
三千界瑞氣浮懸百二關不是紫微星拱
極安來赤紱日登扳

魏良輔參議

道人晝煉明窓塵金丹得手培胎神翠房
梯石我同叩猶記梅花雪後春

又

金頂煙花晝相虛展旗峯對兩如如尋真
遙躡飛鳧影驄馬聲傳道士廬

又

山色蒸雲日旋生香風清引上方笙法筵
禮罷迴廊寂一卷黃庭勘註明

又

凍梅偷暖着枯枒石逕雲封第幾家雪色
風香尤會意青鸞鳥啣出過墻花

歐陽必進尚書

三門遙入太和宮霄漢誰知有路通柱嶺
天連真作極燭峯雲起欲然空塔欄白玉

紅塵斷殿閣黃金紫霧籠福澤八埏昭主
宰英靈長鎮楚江東

又

萬丈丹梯倚帝宮紛紛求福往來通我來
訪古五峯下到此令人百慮空回首千巖
赤日麗舉頭一柱白雲籠修真苦行當年
事欲問頻催玉兔東

曹忪御史

蓬山瀛館待高車羽蓋翻翻春暮餘洞口

留花瑤樹色雲邊遲月寶壇虛玉臺金闕
朝玄帝石室丹房問道書併是天都遊戲
侶霞觴好共泛西廬

吳子孝 參議

花發空山見使車春殘風雨乍晴餘雲中
笙磬迎珠蓋巖下星辰俯碧虛豈料豸冠
初倚玉却憐鸞翮早傳書赤霄望望登仙
去似憶承明有舊廬

又

長願龍門一御車山中相見落花餘千峯
碧樹留黃鳥五色春雲滿玉虛香裊瑤壇
紛舞鶴茅封丹洞有藏書神棲真境清無
夢夜半仙人來問廬

潘鈇副使

相傳神降自軒轅香火無如此地專薦藻
即今臨絕嶠茹芝何處覓長年路通上界
非人世雲鎖重關是洞天不爲耽詩銷病
骨登高慢喜九秋便

又

塵因役役負年華路入天門曉望賒石削
芙蓉堪作畫水流滄漢可浮槎步虛未了
三生訣病渴先消幾碗茶會向羽衣尋鶴
侶笙簫沸處有仙家

施昱僉事

路入蓬萊境自寬行看華表過僊關石欄
遙接雲門迥鐵鎖高懸竦影還俯瞰南崖
天咫尺回瞻北極殿中間我來千仞岡頭

立倚檻臨風笑整冠

李延康 僉事

洞口含烟碧山腰倚閣虛羽衣黃髮老靈
境白雲居石髓通丹竈松花落枕書長生
如可學解組望霞裾

又

一柱蒼茫立群峯紫翠園玉霄開望氣金
殿映朝暉門徹三天曉香飄萬壑霏塵凡
有遐想欲跨彩鸞飛

陳松 僉事

芳草填迂路危巖倚太虛石龍噴紫霧林
鳥話山居臺滿求仙月碑餘寶篆書會當
挹妙指跨鶴曳玄裾

桂榮 御史

何人還是隆中君走馬却過龐公村一劍
風行六千里飛身直上三天門

又

山石離奇雪骨生紫虛何處聽鸞笙孤雲

不鎖玄關夢卧看松枝掃月明

又

雪山冰柱玉垂垂
直下懸崖百丈奇
我亦肝腸冰雪者
仰天一嘯獨支頤

又

山外飛霞初日高
冰花滿樹曉痕拋
玉龍豈滯滄江晚
春色瑤堦漏碧桃

江匯副使

玉宇凌丹壑琳宮近
紫霄懸崖通霧杳飛

磴入雲遙空翠浮天曉
天聲下洞簫誰知
人世外有路接松喬

戴時宗 都御史

始入南天路還知別有天
仙宮懸石壁道
室插雲顛丹壑聞青籟
青松記昔年飛昇
臺尚在欲結愧無緣

賈大亨 御史

山峪凌虛灝神尊
握化權珠宮獸
熬極金象體星躔
樹古元無紀霞深
却有仙希夷

丹氣滿臘塌劍光研十載頻飛夢孤攀尚
阻緣信知俗士駕難遡洞門天圖志酬真
覽仙香寄遠處玄麻綿

聖壽和氣降豐年

劉曰乾通政

七十二峯高入雲貝宮珠殿絕塵氛星河
八月來天使海岳千年祝

聖君玄鶴峒崆胎縹緲紫烟函谷助網緼麥立
野老清霄下獨抱區區對夕曛

三忬御史

支策高擎太岳顛吏情此日更脩然桃花
封洞長迷路野叟巢雲不記年鶴駕又空
緱氏跡仙臺新接大羅天小臣敢自祈恩
澤敬為

明皇獻壽篇

又

又傳仙子輕黃屋何意經生禮白雲數點
神光齋後見隔林天樂靜中聞將憑列馭

探金策自有吳鈞應斗文回首亡羊猶未
辨可如孤鶴解離羣

又

何處簫聲來竹房玉虛巖畔月蒼蒼八龍
夭矯神君駕五夜氤氳壽域香靜坐幾迴
探衆妙夢中聊欲賦靈光無愁白髮終難
變俯視仙山氣更揚

又

手執芙蓉禮上皇丹梯凌絕思茫茫聖泉
能解文園渴石室長封寶枕方雲護天門
呈瑞色風吹法從舞霓裳今宵幾欲從玄
度猶恨憂時念未忘

陳紹儒副使

金殿瑤臺碧落齊三門萬仞轉丹梯雲雷
互變中峯出河漢分流下界迷帝子巖裡
供寶篆神人真訣秘刀圭年來獨見塵根
淨喜傍名山學子品題

又

爲愛虹橋碧玉浮更宜青障赤松遊林間
雨氣花如沐樹裏泉聲葉似秋八極爲霖
爭響應九霄與聖尚名留因思聒法非金
墜一枕希夷夢獨幽

又

萬氣高攢劫仞阿振衣無柰吏情何徒聞
佩玉參鸞輅不見傳書度鶴坡石室剛飈
陰靄斷絳霄晴日瑞雲多空濛下瞰昇真
處唯有紅桃映碧波

又

駐馬玄都路轉危旗峯橫絕在雲達林光
巖靄輝相映人語鷄聲迥別居杉樹幹竒
猶占麓柳梅根異亦開祠遊人到此多休
沐兩兩瑤臺歌步虛

又

名區削琢碧玲瓏秀水竒峯不易逢正憶
玉書寥落後每疑金訣有無中九天夜月
滋華屋萬里春雲射彩虹步入青坪導青

佩鳳蕭如縷滿瑤空

又

軒黃身後憶寥寥縱說青羊詎易招華岳
西封分氣象蓬門東望駕烟霄丹青想像
紅塵遠銅墨淒涼碧殿遙猶自乘風問衣
笠始知方外落漁樵

又

雲潛仙子樂蓬壺脫屣今遺大岳圖水散
滄浪環漢沔山盤八百望荆吳壇花醉蝶
春風細圃樹棲鸞夜月孤天路側身如可
到玉喬遙爲倩飛鳧

早謁太和

豐城雷賀參政

聖代褒崇盛微臣禮拜虔山疑海上島人是洞
中仙鍾啓千巖曉香分萬井煙焚修應有
格國祐自年年

又

福地方今勝玄天自古神乾坤尊廟貌日
月揭

皇綸雲合朝還暮天低楚接秦寸心瞻望切香
炷裊明禋

薄暮太和

玉削中天柱青迴萬壘
縹雲壇蒸碧溜霞
殿鎖金輝力倚危欄峻
回看下界微山神
如有意爲我放晴暉

又

金屋倚天開環闔洞九垓
夕陽初餞谷蘿
月已臨臺暝色依烏鳥
秋痕上柳梅異人

逢夜話更覺洗心埃

午過南巖

死轉璿房逐地斜山南風景迴仙家境於
人靜添秋色日爲巖高障午華雲霽玉臺
通歛火天清琪樹下靈鴉芳亭坐對金峯
近萬載休徵仰瑞霞

中秋五龍

靈應寒凝玉宇秋中天月色借雲流軒窗
寶篆真幽賞人在玄宮是勝遊緱嶺笙簫

聞下界桃源煙火接高丘荒臺試問希夷
跡光浸松蘿露未收

紫霄漫興

石磴籠青靄丹梯逼紫霄花香沾濕好鶯
語倚山嬌風壑傳仙磬晴巒媚使輶金峯
入望近鳥道尚迢遙

又

峯展天旗秀池開禹跡明祈玄來萬國覓
勝駐雙旌燭閃山間日鍾敲谷外聲音觀

環入座神與物俱清

夜宿玉虛

戟嶂屏巒匝地園夕陽臺館歛秋霏候門
簫鼓輕輕調入殿香烟裊裊飛桃觀花殘
猶植種仙樓人去尚留衣虛窓獨夜清如
玉夢繞松頭鶴未歸

九日太和

重九常年覽興幽太和今日更奇遊丹煙
縹緲三天暮松雨蒼茫萬壑秋自古龍真

躋聖界何時鶴馭賁仙丘
輶塵未息征夫促空使巖花負酒籌

雪夜玉虛

玉灑寒宵淨太虛
名山飴寢宦情餘
仙源有路花相約
丹室無煙火自嘘
伴鶴松風迴素澗
轉經簫鼓動瑤除
覺來閨寂軒窺白恍者蓬萊別一廬

登太和和韻

霜臺入嶺肅餘寒
萬壘晴開翠欲團
日助殿光懸具錦
雲依山勢擁波瀾
興幽羽客堪成伴
心靜吾儒自有丹
喜向仙臺追玉節
百年風景幾衣冠

又

象緯低空山欲撩
擬從人世陟青霄
豐占雪色群生庇
瑞啓霞光萬國饒
寶錄長封丹靄
秘彩幡高揭翠雲
翹公忙喜得兼清
眺豈厭頻過鳥道遙

仙界高躋碧玉叢雲端親謁紫金宮欲尋
勝處看皆好稍豁幽襟力已窮萬里山川
收氣脉千秋臺殿轉尊崇塵容俗狀那來
此蘿月松風尚許同

又

香客傳呼春滿山玄旌明滅翠雲寰共言
感應堪投命不惜金銀擬駐顏宮殿巧隨
仙嶠出烟霞分向道場環璫簷碧蘚滋何
日修飭那煩

內帑頌

又

琳宮璇榭遍山川閭苑蓬壺在眼前道士
虛沾清靜域使臣驚入杳冥天雕鏤已竭
工師巧凝結真疑造化偏聞說松蘿留舊
服莫因華麗厭迴旋

又

重陟天柱峯稽首謝玄帝霞光表格思雲
彩衆咸覩職司馳疏章

皇命赫臨賁真官走傳奉

內帑降香幣司空主祝釐守臣厠陪位宮殿爵

歲莛

恩數極隆異顧茲感應祥肇發昭明世誰云神
教虛甘此民膏費俗士苦猜疑

淵衷有貞契巍巍鎮闕維顯顯窮天地祀禮秩
宋元靈跡盈誌記恭惟永樂年遂超往古
制迢迢播風徽稍稍缺修治神情妙感通
聖政弘述繼舊典既克新瑞應亦時晰玄交本

自然景耀匪虛政

一人畜虔誠萬國蒙利濟時月維菊辰齋心宿
巖際簫管裊鳳音爐烟煥龍氣草木肅森
沉乾坤徹氛翳胡星縮光芒仙宇啟明麗
獨覺真性融頓令諸相廢管蕭訖精裡麾
幢恍搖曳保佑有恒徵休禎詎暫值延首
詠時康陳詩愧末藝申誦兩臣章萬歲萬
萬歲

胡宗憲 御史

一入桃園路轉艱
天風吹我渡僊關
千層樓閣空中起
萬疊雲山足下環
攬轡自知王命重
杖藜聊與道心閑
玄房寂寂春宵冷
月上踈簾手可攀

又

仙人峯下聽玄談
萬里春歸一草庵
道眼看來渾是土
丹烟飛處總成嵐
真機誰解無中有
至味元從苦後甘
顧我本遊方內者
臨風三嘆下龍潭

程